


Муниципальное общеобразовательное учреждение начальная школа – детский сад
деревни Миндерево Малопургинского района

Рассмотрена и принята
На заседании совета педагогов
«26» августа 2022 года

Составлена на основе
требований Федерального
Государственного стандарта

УТВЕРЖДЕНА
Директором МОУ НОШ-д/с
д. Миндерево
«26» 08 2022 года
/ Бабурина Е.П./
Приказ № 65 от «26» 08 2022 года



Парциальная образовательная программа по удмуртскому языку
«Зарни бугор»

Разработчик: воспитатель Веревкина И. А.

2022-2023 уч.г.

Азыкыл

«Зарни бугор» программа лэсьтэмын нылпи садъёсын кутйськись программаос вылэ пыкиськыса: «От рождения до школы» (авторъёсыз Н.Е. Веракса, Т. С. Комарова, М.А.Васильева), «Детство» (авторъёсыз В. И. Логинова, Т. И. Бабаева, Н. А. Ноткина). Озы ик туал азинлыко дышетон технологиосты лыдэ басьтэ: «Дом радости» (авторез Н М. Крылова), «Радуга» (авторъёсыз Т. И. Гризик, Т. Н. Доронова, Е. В. Соловьёва), «Мир открытий» (авторъёсыз Л.Г. Петерсон, И.А. Лыковой).

Программа примерной парциальной луэ. Со дышетэ: куинь-сизьым аресъем нылпиез адямиосын кусыпъёс кылдытыны, тодон-валанзэ паськытатыны, удмурт кылзэ азинтыны, чеберлыкез валаны, тазалыкэ юнматыны но выронъёссэ азинтыны. Нылпи садъёс та программа вылэ пыкиськыса, асьсэлэсь дышетон программаоссэс кылдытыны быгатозы. Программалэн пуштроез дышетоз: нылпилы калыкен кенешыны, удмурт кылын вераськыны, шудыны; котырысь дуннеез, ас калыкэ но вöзысь калыкъёсты тодыны; аслэсьтыз Элькунзэ данъяны но дунъяны, ассэ но быгатонлыкъёссэ валась адыми луыны.

«Зарни бугор» программа 3-4 арес, 4-5 арес, 5-6 арес, 6-7 арес нылпиосын ужан радъянэз чакла, пиналъёсын ужаны нимысьтыз визьнодан ужпумъёс, нылпиез азинтыса будэтон амальёс сётэ. Пöртэм арлыдъем нылпиосты визьнодан уж темаосъя люкылэмын, толэзьлы быдэ соос ньыль пумо луо. Ар пумын нылпилэсь басьтэм быгатонлыкъёссэс чакланы юрттозы «данъяськымон» но «сюлэмшугъськымон» арлыдъя валэктонъёс. Котькуд люкетын арлэн кутсконаз но пумаз анай – атайёсын кенешыны юанъёс сётэмын, соос анай-атайёслы но визьнодасьлы кусыпъёс тупатыны, валче кариськыса нылпиез умойгес азинтыны юрттозы.

Та программа вылэ пыкиськыса, Миндер садикысь нылпиос (4-6 арескозь) ужалозы. Занятие мынэ одиг пол арняяз. «Зарни бугор» программаысь кутиськом III ёзэтсэ – клыз азинтон бордын ужан люкетсэ.

4-5 аресъем нылпилэсь кылзэ азинтонъя визьнодан ужпумъёс:

Кылкуараосты чылкыт веранэз азинтон

Нылпиосты дышетано:

Шуген сётйськись куараосты (Соос пöлы шулась (свистящий), шиетйсь (шипящий) но [л], [р] куараос пыро) вераны;

Вить аресозь кылэз куараезъя чылкыт но радызъя шонер вераны;

Ваньзылы валамон, шор жоглыкен, огшоры кужымо куараен вераськыны;

□ Кылбурез чебер, вольыт вераны, пуштросэзъя куара кужымез, жоглыкез, верангурез вошъяса.

К ылтйрлыкез азинтон

Нылпилэн вераськоназ пыртоно:

Арбериосты нимась но малэсь кылдэмзэс возматйсь кылъёсты (басма, кагаз, пу, резина);

Лулоосты нимась, соослэсь кытын улэмзэс верась кылъёсты (музъем вылын, вуын, омырын);

Куд-ог ужан радъёсты нимась кылъёсты (пудо сюдон, бакча–сиён будэтон, сиён пöзэтон, дйсьез миськон);

Арбериослэсь, лулоослэсь люкетъёссэс, соослэсь вылсыям (свойство) но пушсыям (качество) тодметъёссэс нимась кылъёсты. (Соос пöлы пыро буэльёс, шöм; югыт, пеймытгес, зöкгес, чуритгес луон но мукет тодметъёс).

Нылпиосты дышетано:

Вылтусыя пöртэмесь но ужамсыамзыя матын луись арбериосты висъяса вераны (изы но кышет, юбка но дэрэм, вакчи штань (шорты) но штань, сапег но гынсапег);

Огъя валатон сётйсь кылъёсты вераськон кылазы пыртыны (шудон, пудо-живот, тусьты-пуньы но мук.), соосты валэктйсь кылъёсты вераны (луло макеос – будо, йбыло но быдэсмо; тусьты-пуньы – адымылы сисыкыны, сиён пöзэтыны кулэ маке);

Котырысь адымиосын кусыпъёсты тупатыны юрттйсь кылъёсты (мылкыдэз, кулэяськемез, вазиськемез возматйсь кылъёсты) вераськоназы пыртыны.

Кылкуэтэз азинтон

Нылпиосты вачеверанъёслэсь катъёссэ валаны дышетано:

Огшоры вераськонын (визьнодасен валче) пöртэм типъем предложениосты вераськон кылазы пыртыны;

115

Асьсэлэн но эшгёссылэн вераськон кылазы янгышгёсэс шöдыны, соосты каньылэн тупатыны;

Мугез возматйсь юанъёс сётъяны (Малы? Ма муген?).

Асверанлэсь катъёссэ валаны дышетано:

Улоназы луэм учыръёс, пöртэм арбериос сярысь 5-6 веранъем куэтъёс кылдытыны;

Чеберлыко гожтосъёслэсь пуштросэс шонер усьтыны, суредъёсыя мадыськыны;

Кылдэм учыр сярысь шудонъёсыя, суредъёсыя веросъёс мадыны;

Луло но лултэмъёс, инкуазь арбериос сярысь пöртэм мадыськонъёс кылдытыны;

Маке сярысь валэктыса вераны.

Вераськон кылэз радъян

Нылпиосты дышетано:

Вераськон кылазы огшоры веранъёс (тырмыт, вöлкем, огкадь ёзъёсын) пыртыны;

Дырез, интыез, мугез возматйсь герзетъёсты кылдытыку, кушето пырыськись веранъёс кылазы кутыны;

Выль кыльёс пөрмытыкузы, _____ шонер луись итэтъёсты но азыкыльёсты вераськоназы кутыны;
Чебер веранъёсты кылдытон понна, макенимъёсы, тодметнимъёсы, каронкыльёсы шонер кылпумъёс пуктылыны.

Кыл кылдытон сӧзнэтэн тодматон:

Нылпиослы «кыл» но «куара» валатонъёс сярысь шонер валан пычатоно, соосты вераськон кылазы пыртыны дышетона.

Кыльёсты куараослэсь кылдэмзы сярысь, пӧртэм луэмзы сярысь валэктоно.

Кыльёсты кузьдалазыя чӧшатыны дышетона (кузь но вакчи).

Кыльёсты сӧрттыны-пертчаны дышетона;

Кылысь нырысетӥ куаразэ ас понназы висъяса вераны;

Быръем куара я пӧртэм выль кыльёс шедьтыны (нырысь пӧртэм арбериосъя суредъёс шоры учкыса, собере тодазы вайыса);

Чӧшланга (согласные) но асланга (гласные) куараосты кылыса тодманы но висъяны.

Чебер вераськон сямез азинтон

Пӧртэм вазиськон амальёсты кутыны дышетона:

Пумиськыку: Ӝечбур! Ӝечбуресь! Чырткемесь!;

116

Люкиськыку: Ӝеч! Ӝеч луэ!;

Эшъёссылы но мӧйыослы куронэн вазиськыны: Юртты вал мыным. Курисько юрттэмдэс. Луысал-а мыным юрттэмды?;

Таукаронэн вазиськыны: Тау! Бадӟым тау!;

Эшъёслы нимын, нош мӧйыослы нимын но атай нимын вазиськыны;

Тодмотэм муртлы вазиськыны: Вералэ вал..., Вождэс эн вае люкетэмелы.

4-5 аресъем нылпиез азинтыса будэтон амальёс

Азинтӥсь уезж быдэстыны, сое чебер кылын вераны курон (сӥзьыл куаръёс бичаны, шудонъёсты чебер интяны, машиналы чебер гараж пуктыны).

Шудонэз но нылпи садын улонэз радъян вылысь, ваче кенешыны дышетон (кызы группаз праздниклы чеберъяно, малы уг сяськаяськы будос, майныз кельшиз лыдӟем книга, малы туннэ Петимы куруктэ но мукет).

Шудон эш пыртыса, малпаськытӥсь но азинтӥсь учырӥёсты сӧрттыны-пертчаны юрттӥсь вераськон.

Син азе пуктымон верос кылдытонэз радъян.

Эскерон (исследование) но чаклан (наблюдение) вылын, соосты валэктӥсь кыльёсты вераськоназы пыртон. Эскерем вылын мадиськонъёс кылдытъяса шудон.

Нылпины выросэз пӧртэм валамон кыльёсын но веранъёсын валэктон.

Визьнодасен чӧш кутскем веросэз бӧрсьысь бӧрсе азинтыса вераны лӧпкытон. Выжыкыльёсты, ӥккылы шудонэз но театрез уже кутон.

Чаклан но мадиськонъёс вылын шудыку веранэз валэктыса азинтон.

Нылпины аслаз верамысьтыз шонер но зэмлыко луэмзэ валэктыны луонлык кылдытон.

Кылкуараосты кылыны но шонер вераны юрттӥсь шудонъёсты пыртон.

Чылкытверанъёсын шудон, соосты кылдытъян.

Веранэз кылдытонысь шугъяськытӥсь учырӥёсты шудон пыр валэктон.

Кылэз азинтон удысья 4-5 аресъем нылпиослэн анай-атайёссылы юанъёс

Ар кутскыку:

Нылпиды вала-а косытэк, курытэк дорады но калык пöлын зечъяськыны?
Кöня пöйшурез тодма, соослэн улэм-вылэмзы сярысь вераны быгатэ-а?
Кыче кылэз азинтйсь шудонъёсын чöшен шудылийськоды?

Арлэн пумаз:

Ма сярысь нылпиеныды жытьёсы, нылпи садэ сюрес вылын кенешиськоды?
Макем чем нылпиды мадиськонъёс вераны но кылдытъяны тырше?

5-6 аресъем нылпиослэсь кылзэс азинтонъя визьнодан ужпумъёс:

Кылкуараосты чылкыт веранэз азинтон

Нылпиосты дышетано:

Вордскем кылысьтызы вань куараосты чылкыт но шонер вераны (чылкыт но шонер куара поттыны дышетско огшоры вераськон куспын но нимаз кылъёсты чаклан-эскерон дыръя);

Кылбурлэсь, верослэсь пуштроссэ мадыкузы но огшоры вераськон куспазы чеберлыко, каньыл вераськыны (Со понна куараен мылкыдэз, жоглыкез, кужымез возматано, куара сямез вошъяса, пуштросья пöртэм куара пужы кылдытыса верано).

Кылтйрлыкез азинтон

Нылпиослэн вераськоназы пыртоно:

Уж öнеръёс, ужан интыос, арбериос, ужан тйрлык, ужаны юрттйсь машинаос (техника), ужез быдэсьян выросъёс но уж бервылэз дунъян амалъёсты нимась кылъёсты;

Адямилэсь пушдуннезэ, мылкыдзэ, сюлэмшугъяськонъёссэ, аспöртэмлыкъёссэ (кылсярысь сюлмаськонэз, зэмлыко луэмез) возматйсь кылъёсты;

Калыкын кусып возыны юрттйсь, зечлыкез валанэз возматйсь кылъёсты но веранъёсты;

Буёлэз, буёл пыръёсты ((льöль/лемлет/льöльмыт/бусйр), небыт-курень, лызпыр-вож но мукет), кабез, быдзалаез но арбериослэсь мукет векчи пöртэмлыкъёссэс валэктйсь кылъёсты.

Нылпиосты дышетано:

Арбериосты ас понназы чаклан но эскерон амалъёсты нимаса лэсьтэмзэс валэктыны но эскеремысь тодэм вылтус но пушсям тодметъёсты вераны;

Арбериосты чöшатыса эскерыны, огвыллем тодметъёссэс шедьтыны но соосья огазеяны, огазеясь кылын ниманы (кылсярысь, *тусьты-пуньы, коркапуш тйрлык, дйськут, пыдкучан, пöртэм машинаос, гурт но кыр пöйшуръёс, сад-бакча емышъёс, емышъёс*), со валатонъёсты вераськон кылазы кутыны;

Валатонъёслэсь валтйсь тодметъёссэ ниманы;

Кылбурысь, веросысь, выжыкылысь но мукет чеберлыко гожтэмъёсысь чöшатонъёсты, эпитетъёсты шедьтыны;

Мадиськон, выжыкыл, верос кылдытыкузы тодмо луись чеберман амалъёсты пыртыны.

Кылкуэтэз азинтон

Нылпиосты дышетано:

Ас мылкыдзыя куспазы шудыкузы ваче вераськыны;

Чеберлыко гожтослэсь огъя малпанзэ вераны; солэсь пуштроссэ шонер усьтыны, меҷак но кечёвыл (пр. речъ но косв. речъ) амалэн асверанъёс кылдытыны; чеберлыко гожтосэз (произведение) люкетъёслы но тусъёся (по ролям) люкылыны;

Кылын суредам (описательной) веросьёсын арбериос, инкуазьлэн макеосыз (объекты) но луонлыкьёсыз (явление) сярысь веракузы, соослэсь котыр ласянь аспөртэмлыкьёссэс возматйсь шонер кыльёс кутыны; тодметнимьёсты но кароннимьёсты (причастие) вераськоназы пыртыны; визьнодасен валче суредаса мадем верослэсь пуштроссэ радызья мадьыны;

Суредья сюжето веросьёс кылдытыны; повествовательной куэтьёслэн радызья, асьсэлэсь веросьёссэс кылдытыны, отын одно ик экспозициез, завязкаез, действилэн азыланьтйськемез, кульминациез, развязкаез луыны кулэ;

Веракузы выжыкыллэсь но верослэсь аспөртэмлыкьёссэ возматыны;

Пөртэм веросьёс кылдытыны йутскем мылдызэс возматыны; верослэсь пумзэ асьсэлы малпаса вераны, одйгезлы тупась мукет верос кылдытыны, визьнодасьлэн сётэм радызья верос кылдытыны;

Эшгёссылэсь мадем веросьёссэс сак кылзыны, пөртэм янгышгёсты шедьтыны, соосты каньылэн тупатыны. Пөртэм мадисконгёсты тодылыкузы, чөш шудыкузы но куспазы котькуд нунал вераськыкузы, валэктон но оскытон кыльёсты вераськоназы пыртыны дышетон.

Вераськон кылэз радьян

Нылпиосты дышетоно:

Вераськоназы кылрадьянлэсь валтйсь катгёссэ пыртыны;

Удмурт кыллэсь аспөртэмлыко шуг учырйёссэ шонер вераны.

Чебер вераськон сямзэс азинтон

Нылпиосты чөмгес пумиськись чебер вераськон катгёсты ас понназы быдэсьяны (*вазиськыку, жечьяськыку, куронэз вераку, тодматскыку но таукарыку*) дышетоно:

Валтйсь вераськон катгёсты тодыны но улоназы пычатыны:

телефон пыр вераськыны;

жөк сьöрын кенешыны;

куно пумитаку шонер вазыны;

калык пöлын вераськыны (*театрын, киноын, кафеын*);

ымныр, мугор выросьгёсты вераськемзья чебер возыны;

муртьёслэсь вераськон сямгёссэс валаны но дуньяны;

Калык пöлын лякыт вераськон сямез утыны:

эшгёссэс сак кылзыны;

шонер юан пуктылыны;

веранэз чебер малпаны;

малпамзэс шонер вераны.

Кыл кылдытон сöзнэтэн тодматон

Нылпиосты дышетоно:

Веран пушкысь кыльёслэсь лыдзэс но радзэс валаны;

Кылпумгёсты, азитэггёсты кутыса, кык кылэз ваче итыса, выль кыльёс пöрмытъяны.

«Кыл», «куара» валатонгёсты тодыны но вераськон куспазы шонер кутыны;

2-3 ёзьёслэсь кылдэм кыльёсты ёзьёсья люкылыны;

Куинь куаралэсь кылдэм кыльёсты куараосья сэрттыны-пертчаны (звуковой анализ), люкылыны (кылысь куаразэ верангурен возматыны, кыллэсь куара пуштроссэ суредэн возматыны).

Кыльёсты сётэм лыдья кутыса, соослэсь веран кылдытыны;
Нылпиосты пöртэм калыкъяслэн вераськон кыльёсынызы тодматыны.

5–6 аресъем нылпиез азинтыса будэтон амальёс

Нылпиосын, мөйыосын но огъезъёсыныз вераськыны, юанъёс сётъяны, мукетъёсызлэн малпанъёсынызы тунсыкъяськыны, адымиослэсь ма лэсьтэмзэс юаны азинтйсь учыръёс, ужъёс кылдытон.

Нылпиосын ваче мадиськонъёс, выжыкыльёс, веросъёс, вакчи кылбуръёс малпан. Нылпиосын ваче шудыку выль чеберлыко веранъёс кылдытыны, малпаны луонлыкъяс сето:

шудонъёс–драматизациос (игры-драматизации)

чинью – пöлыо театр (пальчиковый театр)

жөквыл театр (настольный театр)

шудонъёс – малпамъёс (игры – фантазирования)

Выль кыл кылдытыса шудон (*«Выжыкылысь арберилы ним малпа»*, *«Выжыкылысь эшелы ним малпа»*) но тодмотэм кыльёс сярысь нылпиосын вераськон.

Нылпи садэ ветлйсь пинальёсмес лыдзйськонэн тунсыкъяськытон.

Шонер, чебер, вольыт, тупась куараен, кулэ жогыкен вераськыны дышетон понна, чылкытверанъёсты, кылбуръёсты, мадиськонъёсты, жогверанъёсты нырысь сипыртыса,

собере пичи куараен, собере зол, жог яке каллен вераны дышетон. Нылпиен ивортыса, юаса, вазиськыса но паймыса вераку, куара мылкыдэз воштылыса шудон.

Верам кылэз кылыны, сак кылзйськыны, шонер шокаса, чебер вераськыны дышетон понна, пöртэм шудонъёс ортчытон.

Дышетон пуштрöсьем шудонъёс ортчытон (калыкын асьсэды зеч возён манерзэс азинтон понна) (*«Мунёмы нылпиосын тодматске»*, *«Гондыр телефон пыр вераське»*, *«Колзо доры куноос лыктйллям»*). Нылпиос визьнодась учырын ёш шудэм эшсылэсь янгышъёссэ сэртто-пертчо, тупато. Верам кылзэс улонысь учыръёсын пычато: суредъёсты учкылыку, кузьымъёсты басьтыку, театре мыныку но мукет дыръя.

«Мугорын верам» кылэн (невербальное общение) тодматон понна шудон, (*«Тод, кыче пöйшур яке пудо-живот»*), пантомима сярысь вераськонъёс ортчытон.

Мугор но ымныр пыр веранэз валэктйсь шудонъёс: (*«Вера кылбурез киосын»*, *«Возьматы выросъёсын»*, *«Мон шумпотйсько»*, *«Синучкон»*)

Кылэз азинтон удысья 5-6 аресъем нылпиослэн анай-атайёссылы юанъёс

Ар кутскыку:

Дыр шедьтйськоды-а нылпи садын эшъёсыныз ёш ужамзэ сак кылзыны?

Нылпидылы мылкыддылэсь воштйськемзэ, шумпотэмдэс яке жожомемдэс кылын вераса валэктылйськоды-а?

Нылпиды калыкын ассэ данъяськымон возыны, вазыны, вераськыны быгатэ-а?

Арлэн пумаз:

Кöня кылбур, верос нылпиеныды ёш кылдытйды?

Нылпиды арбериос, ужан тйрлыкъяс сярысь туалален вашкалаен ёшатыса, ма вераны быгатэ?

Нылпиды будыса кин луыны малпа, кыче пайда лэсьтэмез потэ ?__

Список используемой литературы:

1. Парциальная программа «Зарни бугор» (Ижевск, 2015 г.)
2. Зарни бугор: 5-6 аресъем нылпислы хрестоматия. Кык люкетэн. 1 люкет / Даязы М. Н. Алексеева, А. Е. Бородина, Е.А.Николаева. – Ижевск: 2020Удмуртия, 128 бам
3. Зарни бугор: 5-6 аресъем нылпислы хрестоматия. Кык люкетэн. 2 люкет / Даязы М. Н. Алексеева, А. Е. Бородина, Е.А.Николаева. – Ижевск: Удмуртия,2020. - 128 бам
4. Сборник детских песен «Чибори» П.Н. Кузнецов. - Ижевск, 1995г.)
5. Детский журнал «Кизили»
6. Журнал «Вордскем кыл» № 2, № 3 2012г.
7. Мифы и легенды удмуртского народа. - Ижевск, 1995г.
8. Удмуртские народные сказки.- 3-е из., с изменениями . - Ижевск, 2003.- 144 с.
9. Кин со? Ма со? Мадиськонъёс. – Изд-во: «Удмуртия»,1985. – 63 с.

Календарно тематический план на 2022-2023 уч.г.

Месяц	Дата	Тема
Сентябрь	7.09	Зеч лу, тау тыныд, гужем! (таукарон но зечъяськон амальёсы юнматон)
	14.09	Шиетись куараосын чылкверанъёс
	21.09	Котмись –котмисьтэм макеосты чаклалом (Зорлэсь липет кылдытон амал)
	28.09	Маин узыр бакчае
октябрь	5.10	«л» но «р» куараосты чылкыт вераса шудиськомы
	12.10	Тылобурдоос лымшор пала лобзо
	19.10	Пойшуръёс толалтэлы дасясько
	26.10	Удмурт но зуч кыльёсты чошатом. Кыльёссэ но куараоссэ чошатом
ноябрь	2.11	Калыкын кусып возыны, зечлык утыны юрттись кыльёс
	9.11	Удмурт но зуч кыльёсты чошатом, кыльёссэс но куараоссэс эскером
	16.11	Адымилэсь пушдуннезэ,мылкыдзэ малпанзэ валэктись кыльёс
	23.11	Кыльёстэк ымнырын но мугорын вераськом
	30.11	Жок выл бичан радэз пуктомы, МА кареммес борсьысь борсе вераломы
Декабрь толсур	7.12	Кылбуръёсты чылкыт вераны дышетскомы
	14.12	Буэльёсты нималом. Пужыосын тодматском
	21.12	Марлэсь лэсьтэмын?
	28.12	Кыз котырын чошен шудонъёс

Январь толшор	11.01	Кыл пушкысь быръем куараез утчаса шудом
	18.01	Удмурт жогвеарнӧс
	25.01	Удмурт книгаос учком, кельшымонзэ лыдзом
Февраль тулыспал	1.02	Лавкае басьяськыны поталом, рос-прос вераськом
	8.02	Портэм кенбыр ним
	15.02	Мадиськонӧс кылыдытом
	22.02	Мынам атае (вылтуссэ веран)
Март южтолзэз	1.03	Арбериосты чошатыса эскером (йо, ву, пар, лымы, толалтэ но тулыс)
	15.03	Пуктылиськон-лэсьтськон арбериосты учком, вералом
	22.03	Огъя валатон сётись кылӧсты выжыатыса вераломы (диськут, пыдкутчан)
	29.03	Кылбур лыдзом но дышетом
Апрель оштолзэз	5.04	Кылбур лыдзисӧс (нылпиосты видеое гожтыса асьсэлы возыматон)
	12.04	Инмысь кизилиослэн удмурт нимзы
	19.04	Пичи книга лэсьтом: мынам яратоно пойшурӧсы
	26.04	Ог-огмылы пормем книга возыматон
Май куартолзэз	3.05	Удмурт крезьгуро шудонӧс
	10.05	Почтае ветлом, гожтэт келялом
	17.05	Мадиськонӧс, вакчи кылбурӧс вераса шудом
	24.05	Сяська нимӧсты эскерон, возь вылись соосты шедьтон
	31.05	Гуждор жук

Удмурт-ӹуч кыллюкам

«ачимлыксэ» гажан – уважение личности

азинскон – движение

азинтӹсь – развивающий

азинтӹсь учырӹс – развивающая беседа

азитэт – приставка

амал – способ, метод

арбери дунне – предметный мир

арлыды тупась – по возрасту

ас мылдыдызья – по собственной инициативе

асверан – прямая речь

асланга куараос – гласные звуки

аслык – свойство

асмалпан – выдумка, вымысел

аспӹртэмлык – особенность

асэрказ – непроизвольно

басма – ткань

бельгы – мишень

бервыльӹсыз – следствие

бичет – набор

бӹрсьысь бӹрсе герзаськон – цепная связь

буӹлпыр – оттенок

буко – дуга

буре вайыны – вспоминать как ценное, важное

бусӹр – фиолетовый

буянбыж – кисточка

быгатонлык – способность, умение, возможность

быдзала – размер

быдэслык – целое

быдэстон манер – техника

бызьялон – бег

вазӹнкыл – междометие

вакчи веран – фраза

вакчи гож – штрих, тире 314

валанъёс – представления
валтйсь выронъёс – основные движения
валэктон – доказательство
ваче вераськись – собеседник
вачеверан – диалог
веран – предложение
верангур – интонация
верантодос – синтаксис
вераськон – речь
вераськон кылэз радьян – грамматический строй речи
вераськон ужпӧр – речевая деятельность
вераськон учыр, югдур – речевая ситуация
вераськон лулчеберет – культура речи
ветлон – ходьба
визькыл – пословица
визьлобан – фантазия, воображение
визьман – образумить, вразумить, учить
визьнодан – воспитание, воспитательная работа
визьнодась – воспитатель
визьсынан – задача, развивающая ситуация
вишты – пятно
вожмин пуктылыны – ставить поочерёдно
возьматон – выставка
возьматон арбериос – изобразительные материалы
возьматос – образец
вӧлмет – пространство
волнаё гож – волнистая линия
вӧлскем веран – распространённое предложение
вӧлскет – оборот
вошъет – падеж
вошъяськыны быгатон – изменчивость
выжтэм кыльёс – слова с переносным значением
выжы ним – фамилия
выжыятаьса вераськон – подробный разговор, беседа
вылкаб – форма 315

вылсям – свойство
выретон – действие, физическое упражнение, движение
вырон – движение
вырон вис – разминка, физкульт-минутка
вырыны – двигаться
герзет – союз
геройёсын лэсьтэм ужъёс – поступки героев
гож – линия, черта
гожмалляны – штриховать
гожпус – буква
гожъяськет – письменность
гожъяськон – письмо
гордсүй – глина
дйсяськонни – раздевалка
дунне котырьян шудонъёс – игры-путешествия
дунне лулчеберет – мировая культура
дур суредан – обводка
дышем, быгатонлык – навык
дышем вырос – двигательный опыт
дышем сям – привычка
ёзви – сустав
ёзэс – орган
ёзэсьёсты кыдатон – укрепление органов
жӧквыл театр – настольный театр
жӧквыл шудон – настольная игра
жытнянь – ужин
зечлык – качество, добротность, ценность
зуг – узелок
зэматыса веран – утверждение
зэмос дунне – реальный мир
ивортодэт – информация
ивортыса веран – повествование
инъет – основа
инъет – основа
йӧскалык – национальность 316

йӧскалык шулдыръяськонъёс – национальные праздники
йӧспӧртэм – своеобразный
йӧттылон – примакивание
йӧттэм – точка
искусство – устолык
историысь бадӟым нунальёс – исторические даты
йылол – традиция, обряд
йылпумъян, огъян – вывод
йылсо бичет – пирамидка
йыльёс – вершины
йырвизь – ум, интеллект
йыре поныны – запоминать
йырсазь – сознание, память
каб – форма
кабъёслэн дуръёссы – края, стороны плоской фигуры
калык кылос – фольклор
калык пӧл – социальная среда
капчи сиён – полдник
капчиятэм тусъет – схематическое изображение
каронкыл – глагол
каронним – причастие
каронсям – деепричастие
кезьыт буэльёс – холодные цвета
кечат-вамат вырӧсьёс – скрестные движения
кечевыл – косвенная речь
кечевыл гожъёс – наклонные линии
кечыръяськон – лазание
кибашлы – мастер
кибашлы пукон корка – мастер класс
килэн векчи вырӧсьёсыз – мелкая моторика рук
киуж – поделка
коркапуш арбериос – предметы интерьера
кӧс инты – пустыня
косон – требование
котрет – круг 317

котыр султыны – встать в круг
котырес – круглый
котыртыса юйдэстэм – замкнутый
котыртэмен кырзаса-ветлыса шудонъёс – хороводные игры
крэзьгур тйрлык – музыкальный инструмент
крэзьгур удыс – музыка
крэзьгурья пужыё вырон – музыкально-ритмические движения
кругъя погыллян – круговое раскатывание
куара буёл – тембр
куара люкет – звуковая оболочка
куара потгон выросъёс – артикуляция
куаравозьматон – звукоизобразительные
куаравозьматон амальёс – звукоизобразительные способы
куарагур – мелодия
куараёзьёс – звуковые единицы
куаралэн жуждалаез – высота голоса
куарапус – буква
куарапышкылон – звукоподражание
куаратодос – фонетика
куарашудон – звуковые игры
кун – страна
кункышет – флаг
кунпус – герб
купырес – скованно
курон – просьба
кутон – ловля
кушето итйськись веран – сложносочинённое предложение
кушето кыльёс – сложные слова
кушето пыриськись веран – сложноподчинённое предложение
кыл дунне – речевая среда
кыл устолык – литература
кылвыжы – корень слова
кылйтэт – суффикс
кылкуара – звук речи
кылкуараосты веранэз азинтон – развитие звуковой культуры речи 318

кылкуэт – текст
кылкуэтэз азинтон – развитие связной речи
кыллись гож – горизонтальная линия
кыллюкет – морфема
кыллюкеттодос – морфология
кылпöрмытон – словообразование
кылпыры – частица
кылрадьян – грамматика
кылрадьянэз азинтон – формирование грамматического строя речи
кылтэчет – словосочетание
кылтйрлык – лексика, словарный запас
кылтйрлыкэз азинтон – развитие словарного запаса
кылтодон – лингвистика
кыльёз – слог
кыл суред – описание
кылэз азинтон – развитие речи
кырыж гож – косая, кривая линия
кырын шулдырьяськон – развлечение на природе
лйятонъёс – успокаивающие стихотворения
лöпкытыны, бурдьяны – вдохновлять
лулвизь – мудрость
лултус – образ
лулчеберет – культура, искусство
луонлык – возможность
луонлыкъёс кылдытон – создание условий
лэзьян – метание, бросание
лыд – количество
лыдним –числительное
лыдпус – число
лыдтус – цифра
лыдьяськон – считалка
лысьöмоос – позвоночные
лэчытверан – афоризм
люкет – часть
люкетъёслэн быдзалазы – пропорции 319

лякылыса лэсьтылон – аппликация
мадиськон – загадка
макеним – существительное
малпам шудон дунне – вымышленное игровое пространство, виртуальный мир
малпан – мысль
малпанэз вакчияк веран – тезис
малпанэн суредан – представления, воображение
малпаськон рад – мышление
малпаськыса веран – рассуждение
маскара веранъёс – прибаутки
мерлыко интыос, юртъёс – общественные места, здания
мерлыко рольёс – социальные роли
мертамлык – координированность
моган – покой, пауза
мӧйы – взрослый
муг – причина, цель
мугор быгатонлык – физические качества
мугорез кыдатъсь ужрадъёс – мероприятия для закаливанию тела
мугорез огъя юнматыса вырон – общеукрепляющие тело движения
мылкыд – желание
мылкыд карем – инициатива
мылкыдо – активно
мылкыдэз яркыт возъматон – эмоциональная отзывчивость
мындада – количество
наглядно-образной малпаськон – наглядно-образное мышление
нелькыны – мять
нимбер – послелог
нимвоштос – местоимение
нимкыльёс – термины
нунал – сутки, день
нуны утись – помощник воспитателя
нылпи аспӧртэмлыкъёс – индивидуальные особенности
нылпи сад вакыт – дошкольный возраст
нылпиослэсь калык пӧлын улыны быгатэмзэс азинтон – социально-коммуникативное развитие детей 320

нылпиослэсь кылзэс азинтон – развитие речи детей
нылпиослэсь тазалыксэс угён но азинтон – физическое развитие детей
нылпиослэсь тодонлыкэс азинтон – познавательное развитие детей
нылпиослэсь тодонлыкэс азинтон – познавательное развитие детей
нылпиослэсь чеберлык валанзэс азинтон – художественно-эстетическое развитие детей
ныркыса лэсьтылон – лепка
ныльпыдын ветлон – ходьба на четвереньках, ползание
нэлькыны – сминать
нюж кыстйськыса ветлон – ползание
обед – нуназеян
огазеян – синтез, объединение
огвыжыё кыльёс – однокоренные слова
огенверан – монолог
огзэ вылэ огзэ тырыса – наложение
огкадь ёзьёс – однородные члены
огкадь ёзьёсын веран – предложение с однородными членами
огкотыр радьяськем – цикличность
огмет – единица
огъёзьёс – ровестники, сверстники
огъя азинтйсь выронъёс – общеразвивающие движения
огъяса веран – вывод
огъясь кыл – обобщающее слово
одйгез борды мукетсэ ваче пуктыса – приложение
одйгез вылэ мукетсэ понон – наложение
ортчись учыръёс – события
пайда – польза
пальёс – стороны
паньгатон – сплющивание
паськыт маялтэмен зыраса – широкими мазками
пачкес – сплющенный
питырьян – катание
пог – комок
позырьяськон – разминка, аэробика
пёртэм ёръя – в разных направлениях 321

пужы – узор
пужыятон ужпөр – декоративно-оформительская деятельность
пуктйськон – конструирование
пумит луись кылъёс – антонимы
пушверан – внутренняя речь
пушкыр – зал (помещение)
пушеузыет – сюжет
пушеузыето суред – сюжетная композиция
пушсям – качество
пуштрос – содержание, смысл
пыдесъёсты вылие жуткаса – с высоким подниманием колен
пыдло ватйськем тодметъёс – скрытые признаки
пыдчиньыос вылын ветлыны – ходить на носочках
пыкъет – подпорка, опора
пыртэм кылъёс – вводные слова
рад – ряд, колонна
радъяны – классифицировать
радэн султыны – становиться в колонну
сазытон, тодэ вайытон – припоминание
саклык – внимание
санэ поттыны – уважать
син азе пуктыны - представлять
синмалпанъёс – впечатления
сӧзнэт – система
сӧзтон, сӧзнэтан – систематизация
сйльвирез кыдатон – закаливание организма
сузь – горсть, набор
сузыет – композиция
сузыетан – серияция
суредам гож вылтй чиньыен яке карандашен ортчон – обводка по контуру пальцем или карандашами
суредаса верам – описательные
суредаса верам верос – описательный текст
суредась – художник
суредаськон – рисование 322

суредьёслэсь пушсэс буяны – закрашивать
сэзь шудонъёс – подвижные игры
сэрттон-пертчон – анализ
сюсь мелокъёс – восковые мелки
сямкыл – наречие
тазалыкез кыдатон – укрепление здоровья, закаливание
тазалыкез утён-юнматон – охрана здоровья
тазалыко лулчеберет – культура здоровья (физическая культура)
тапыртыса вамыштон – шаг с притопом
тодметним – прилагательное
тодметъёз – определение
тодон-быгатонлык – опыт
тодон-валан – знание
тодонлык – познание
тодонлыкез азинтон – познавательное развитие
тодос – наука
тодослыко – научный
тодослыко инъетъёс – научные основы
тодыса возён – оперативная память
тодэ вайыны – вспоминать
трос валатон сётйсь кылъёс – многозначные слова
туркым – группа
тускутэм – роль
тускутэмен пушсузьето шудон – сюжетно-ролевая игра
туспуктэм – фотография
тусъёсья лыдзыны – читать по ролям
тусъет – изображение
тырмыт веран – полное предложение
тыршытон – упражнение
тыршытыны – понудить стараться, упражнять
тэтчаны – прыгать
Удмурт Элькун – Удмуртская Республика
ужпёр, ужманер – вид деятельности
ужпум – задача
ужудыс – профессия 323

ужудыскылъёс – профессионализмы
ужъемыш – результат
узыр луонлыкъёс – амплификация, обогащение образовательных условий
устолык – искусство
учыр – случай
уяны – плавать
чаклан – эксперимент
чаклан-учкылонъёс – экскурсии, наблюдения
чакласкем етйзлык – ловкость
чашетйсь тйрлыкъёс – шумовые инструменты
чебер чузьяськон – мелодика
чеберлык кылдытйсь киужъёс – художественно-продуктивная деятельность
чеберлыко гожтос – художественное произведение
чеберлыко лэсьтйськон уж – художественный труд
чеберлыко пуктйськон – художественное конструирование
чеберматон амальёс – выразительные средства
чеберматыса лэсьтэм уж – творчество
ченгешон – спор
черкогурт – село
чиньыен дась суредам гож вылтй нуллыны – проводить по контуру
чиньыен-пöлын шудонъёс – пальчиковые игры
чöшатон – сравнение
чöшатсконъёсын тодматйсь выронъёс – соревновательные движения
чöшланга куараос – согласные звуки
чук жук – завтрак
чук назылляськон – утренняя гимнастика
чур – шеренга
чуре султыны – построиться в шеренгу
чурен выронъёс – построение, перестроение
чылкыт чеберлык – культурно-гигиенические навыки
чылкытаськонни – туалет, душевая комната
чылкытверан – чистоговорка
шиетйсь – шипящий
шöдон – сенсорика
шöдонэз азинтон – развитие сенсорики 324

шонер гожъёс – вертикальные линии
шонер погыллян – прямое раскатывание
шудон куронъёс – правила игры
шудон-адъытонъёс – театрализованные игры
шудонъёс – малпамъёс – игры – фантазирования
шудон-эктон – танцевальные игры
шулась – свистящий
шулдырьяськон – праздник
шуныт буэльёс – тёплые цвета
шутэтскон – покой
эктон выронъёс – танцевальные движения
Элькун Тёро – Глава Республики
эскерон – исследование
эсэп – норма
югдур – набор условий, сложившихся обстоятельств
югдуръёз – обстоятельство, член предложения
юн верам кыльёз – ударный слог